

# 100 nelayan terjejas teruk, hasil merosot 100 peratus

UM 9/3/2023 MSi: 31

Oleh ASYRAF MUHAMMAD  
utusannews@mediamulia.com.my

**KANGAR:** Lebih 100 nelayan negeri ini terjejas teruk dengan pendapatan dan hasil tangkapan merosot sehingga 100 peratus sejak seminggu lalu disebabkan faktor peralihan monsun angin timur dan pencerobohan nelayan asing.

Jika sebelum ini hasil tangkapan nelayan mampu mencecah sehingga satu tan metrik sehari, namun jumlah itu tinggal 50 kilogram manakala purata pendapatan seorang nelayan pula hanya RM40 sehari.

Kesan daripada kemerosotan hasil laut itu menyebabkan harga ikan melambung tinggi dan sebagai contoh ikan kembung yang sebelum ini berharga sekitar RM3 hingga RM4 sekilogram namun mencecah sehingga RM16 sekilogram ketika ini.

Seorang peraih ikan, Mohd Shukor Chin, 60, berkata, situasi dihadapi nelayan kali ini lebih teruk berbanding tahun-tahun sebelum ini sehingga menyebabkan pendapatan terjejas ketara.

Katanya, kemerosotan itu disifatkan paling buruk sejak bergelar peraih ikan 26 tahun lalu.

“Faktor perubahan angin monsun timur laut ini dijangka mungkin berterusan sehingga akhir



**MQHD Shukor Chin (kanan) melihat tong-tong ikan yang kosong berikutan pengurangan hasil diraih oleh nelayan sejak beberapa minggu lalu disebabkan faktor cuaca dan pencerobohan bot nelayan luar di kawasan perairan di Sungai Baru, Perlis. - UTUSAN/ASYRAF MUHAMMAD**

Mac ini dan pendapatan nelayan dijangka terus terjejas.

“Malah faktor nelayan asing yang menangkap ikan di perairan di sini juga menjadi antara punca,” katanya di sini semalam.

Sementara itu, seorang nelayan di Kuala Sungai Baru, Ab-

dul Hamid Mokhtar, 57, berkata, kebiasaannya dia mampu meraih sekitar RM3,000 hingga RM4,000 sebulan namun berkurangan mendadak dengan purata sekitar RM1,000 sejak kebelakangan ini.

Menurutnya, pendapatan diperoleh itu tidak berbaloi

memandangkan nelayan perlu mengeluarkan kos minyak dan makanan sekitar RM100 sehari untuk turun ke laut.

“Kadangkala ada nelayan yang keluar awal pagi sehingga berjam-jam di laut akhirnya pulang tangan kosong,” katanya.